

欽定四庫全書

子部

普濟方卷一百四十二



南京中医药大学图书馆版权所有

周王朱橚撰

和劑

局

陽被火額上汗出而小

苗病瘰者黃也單陽而
之甚也濕也熱也甚者
亦發黃也邪風被火熱

便不利者必發黃是由內有熱而被火致發黃者也陽明病無汗小便不利心下懊懣者必發黃是由陽明熱盛致發黃者傷寒發汗已身目為黃所以然者寒濕在裏不解故也以為不可下也於寒濕中求之是由寒濕致發黃也濕亦令黃也熱亦令黃也其能辨之乎二者非止根本來有異而色澤亦自不同濕家之黃也必身黃似熏黃雖黃而色暗不明也至於熱盛之黃也必身黃如橘子色甚者勃勃出染著衣正黃如蘗是其正黃

色也由是觀之濕之與熱豈不異哉大抵黃家属太陰
太陰者脾之經也脾者上黃土色也脾經為濕熱蒸之
則色見於外必發身黃經曰傷寒脈浮緩手足自溫者
是為繫在太陰太陰當發身黃者是矣熱須內盛若已
自汗出小便利者則不能發黃必也頭汗出身無汗齊
頸而還小便不利渴飲水漿此為瘀熱在裏身必發黃
黃家為熱盛而治法亦自有殊傷寒八九日身如橘子
色小便不利少腹滿者茵陳蒿湯主之此欲泄滌其熱也

傷寒身黃發熱者梔子蘗皮湯主之此欲解散其熱也
傷寒發熱在裏必發黃麻黃連翹赤小豆湯主之此欲解
散其熱也此數者泄滌解散乃為之不同亦皆析火徹
熱之劑也一或身黃脈沉結少腹硬而小便自利其人
如狂者又為畜血在下焦使之黃也必須抵當湯下之
而愈黃家既是病之已極是以有不治之者多矣非止
寸口近掌無脈鼻氣出冷為不治之疾又若形體如煙
熏直視搖頭者是為心絕環口黧黑柔汗發黃是為脾

絕皆不治之症醫者更詳視之 又云黃家至日晡所
發熱而反惡寒此為女勞得之當膀胱急小腹滿體盡
黃額上黑足下熱因作黑疸其腹臃脹而滿欲作水狀
大便必黑時澹泄此女勞疸非水也腹滿者難治 傷
寒發黃之狀身體盡變或如熏黃或如橘色是也凡陽
明中風太陽中濕皆令人發黃蓋由得病無汗小便不
利寒濕不散則熱結脾胃湊理閉塞瘀熱之氣與宿穀
相搏而鬱蒸不能消散故大小便結澀不通令人身體

面目皆變黃色其病腹滿一身盡疼發熱若其人小腹滿急眼睛澁疼鼻骨疼兩膊及項強腰背急者是也但得小便快利即漸愈仍不用大便多多即令人心脹又有急黃者身體黃甚卒然而發心滿氣喘命在須臾故名急黃有初得病便黃者或初不知是黃死後方變黃者此病亦由脾胃瘀熱本天行時氣所作也宜細辨之但發熱心戰者乃是急黃之候歌曰小便自利大便黑血症無疑定發狂若是小便全不利黃名瘧病瘧名黃

若血症宜抵當湯輕者桃仁承氣湯與犀角地黄湯黃
痺茵陳湯茵陳五苓湯又歌曰太陽發熱渾身痛身目
俱黃是濕家腹滿脈弦心脇痛陽明經裏中風邪仲景
云傷寒發汗已身目為黃所以然者以寒濕在裏不解
故也只當以濕中求之發熱一身盡痛而身目俱黃者
太陽中濕也腹滿鼻乾心脇痛潮熱身黃者陽明中風
也欲發黃者急用芥蒂末一字許搐鼻中治在頭疼濕
家條下大抵發黃與濕家不利小便非其治也腹滿脈

浮弦咳嗽潮熱小便難心脇疼短氣鼻中乾不得汗嗜
卧此陽明中風也大小柴胡加茯苓湯噦者湯中加茯
苓也見小便雜條 病人寒濕在裏不散熱畜於脾胃
腠理不開瘀熱與宿穀相搏鬱蒸不消化故發黃汗者
南方暑濕近夏瘴熱蓋瘴者黃也古人以黃為瘴濕熱
相搏民多病瘴甚為跗腫然發黃與瘀血外症及脈俱
相似但小便不利為黃小便自利為瘀血要之發黃之
人脾蘊積發熱引飲脈必浮滑而緊數若瘀血症即如

狂大便自利為瘵血要之發黃人身體發熱頭面汗出身
無汗齋頸而止渴飲水漿小便不利如此必發黃茵陳
蒿湯五苓加茵陳散主之茵陳蒿湯十分五苓散五分
二散拌勻每服二錢溫水調下日三服病人服湯得小
便利如皂子汁赤一宿復減則黃從小便中出也古人
云治濕不利小便非其治也大抵發黃者瘵熱在裏由
小便不利而致也梔子蘘皮湯麻黃連翹赤小豆湯可
選而用之又方傷寒欲發黃者急用葶藶末口含水搗

一字許入鼻中出黃水甚驗即用茵陳蒿湯調五苓散服之最良又問白虎症亦熱發渴引飲水小便不利何以不發黃荅曰白虎與發黃症相近遍身出汗此為熱越白虎証也頭以下都無汗黃症也又問太陽病一身盡痛發熱身如熏黃者何太陽中濕也仲景云傷寒發汗已身目為黃所以然者以寒濕在裏不解故也以為不可下也於寒中求之又問病人脈弦浮大而短氣腹都滿脇下及心痛久按之氣不通鼻乾不得嗜卧一身

及目悉黃小便難有潮熱時時咳嗽者何也少陰中風也小柴胡湯主之

方

麻黃醇酒湯

出金匱方

治傷寒熱出表發黃瘧

右用麻黃三兩以醇酒五升煮取一升半盡服之溫

覆汗出即愈冬月寒時用清酒春月宜用水

麻黃連翹赤小豆湯

出千金方

治傷寒瘀熱在裏身體必發

黃

麻黃 連翹

一方用連翹
絲根味苦寒

甘草

各二兩

生薑

三兩

大棗

二十

枚

杏仁

三十枚

赤小豆

一升

生梓白皮

切二升

右呔咀以潦水一斗先煮麻黃去沫次用諸藥煎取

三升分溫三服半日服之

茵陳湯

出千金方

治傷寒七日八日內實瘀熱結身黃如橘

小便不利腹微脹滿宜下之

茵陳

六兩

大黃

三兩

梔子

四十枚

右呔咀以水一斗二升先煮茵陳取五升去滓次內

梔子大黃煎取三升分服一升日三小便當利如
皂莢汁狀色正赤當腹減黃悉隨小便去也范注
用療穀疸小品方用石膏一斤

大黃黃蘗湯 治發黃腹滿小便不利而赤自汗出此
為表和裏實當下之

大黃 三兩 黃蘗 芒硝 梔子 十五枚

右咬咀以水六升煮取二升去滓內芒硝復煎取一
升先食頓飲之

枳實大黃湯 治傷寒飲酒食少飲多痰結發黃酒疸

心中懊懷而不甚熱或乾嘔

枳實

五枚

大黃

三兩

豆豉

半升

梔子

七枚

右咬咀以水六升煮取三升分三服心中熱疼懊懷

皆主之

治傷寒後二十日渾身黃眼如金色者

右用黃蘆一兩判碎水一升煎取三合空心服三五

服安

麻黃連翹湯

出金匱方

治傷寒瘀熱在裏身必發黃

麻黃

去根節湯煎
去沫二兩

連翹

二兩

杏仁

去皮尖雙
仁四十枚

棗

十二枚

生薑

二兩

甘草

一兩

生梓白皮

切一升

右呔咀如麻豆大每服五錢用潦水二盞煎取一盞

去滓溫服不拘時

消濕散

治傷寒瘀熱在內濕氣鬱而不散熏發肌肉

小便不利身體發黃利水道

牽牛子

炒半斤只取末二兩

赤茯苓

去黑皮

木香

陳橘皮

湯浸

去白焙

各半兩

右為散每服二錢煎葱白湯調下不計時候

秦朮湯 治傷寒心胸堅硬脚手心熱即變為黃

秦朮

去苗土

紫草

去苗土

白鮮皮

黃芩

去黑心

梔子仁

大黃

剉炒各一兩

右麤擣篩每服五錢用水一盞半煎至一盞去滓溫

服日三夜

三黃散

治傷寒發黃服藥瘥後未全除餘熱發動